

Ju Dios navi ju lacat'un chai ju t'iyán

Gen. 1:1—2:4

Pus ju mak'anchich lana mati' tu'u' ixjunita. Pus mati' ixjunita ju talhpa nin k'aixcan nin alama nin ach'ananti. Pus vachu' mati' ixjunita ju atapacxat nin yuchi ju lapanac. Chai ju t'iyán jantu ixtasui nin yuchi ju avilhchan. Chai vachu' mati' ixjunita ju malhquiuyu' nin yuchi ju lacst'acu. Pára ju Dios ixt'ajunch.

Pus ju acsnich ju Dios pastaclich ixnavica ju lacat'un chai ju t'iyán. Pus chunchach ju xanavi. Pus ju ixputai'ulacan lana k'ox ixputs'ista ju lacat'un chai lana mati' tu'u' ixjunita. Pus lana va si xcan ju ixlacapuch'apak'ojuta ju lacat'un. Para ju ix'Espiritu ju Dios ixtalacnavich ju la'ix'ucxni ju xcan. Pus ju acsnich ju Dios naulich ni catalacasulhch ju atuncunu'. Chai ju atuncunu' lana mapulhcu. Pus chunchach ju punavilhch ju atuncunu' chai ju atats'is.

Pus ju astanch, navilhch ni cata'akst'alhch ju ali' xcan tus lact'iyán. Pus ju ani lhich'alhcat ixlhilakat'uich avilhchan ju punavi.

Pus ju ixlhilakat'utuch avilhchan, malakxtinulhch ju
alama ju la'ix'ucxni ju lacat'un. Chai naulich ni
cat'ak'ayalhch ju ach'itin chai ju lajq'uiiu ju la'ix'ucxni ju
lacad'un. Pus vachu' naulh ni na lhu caxt'ak'a' xatoc'at chai
xat'in ju ak'atamin q'uiiu chai ju tijtamin ach'ananti. Pus ju
chunch na lhuch lajq'uiiu chai lac'ach'ananti ca'alina' ju sich
ixt'achunch cajuna'. Pus ju Dios lakts'ilh ni lana k'ox c'us
ju tuchi ixnavita.

Pus ju ixlhilakat'at'i avilhchan navilhch ju avilhchan,
malhquiyyu' chai ju lacst'acu. Chai
lacmuc'alhch ju lact'iyan ni laich
catamalacasu ju atuncunu' chai ju
atats'is. Chai vachu' navi ju
lhc'asnin chai ju lhi'ich. Pus ju Dios
lakts'ilh ni lana k'ox c'us ju tuchi
ixnavita.

Pus ju ixlhilakaquis avilhchan alacnavi ju ts'oknin chai
chux ju atapacxat ju tat'ajun lacxcan. Pus ju acsnich

lakts'ilh ni lana k'ox c'us ju tuchi ixnavita. Chai
alacjunilhch ju lac'atapacxat ju tat'ajun ju lacxcan chai ju
ts'oknin ni na lhu catamak'ampup'ak'atnalh. Pus ni
ixlhuch'an catajuna' laich catalacaputoc'ak'o ju lacat'un.

Pus ju ixlhilakachaxan avilhchan alacnavik'o chux ju
lac'atapacxat ju tat'ajun ju la'ix'ucxni ju lacat'un. Pus
navilhch ju atapacxat ju va talactatanxak'ai chai ju na k'ai
talacjunita. Chai vachu' navi ju lai lac'histajcan ju
lacialacchaka'. Chai ju yu'unch atapacxat vachu' va tats'iq'ui
acsni tatsucui. Chai ju acsni avilhchan vachu' navi ju
lapanac. Pus ju yuchi malhistacni ju lacat'un. Chai vachu'
junilh ni yuchi ju ca'alhist'ac'a' chux ju lac'atapacxat.

Pus navi pumatam jok'at chai pumatam chak'o'ulh.
Pus ju yu'unch tachi ju Dios ixtajunita. Pus mati'
atumpa atapacxat ju ixt'achuncha'an cava. Chai
alacjunilh ni va lakputam catatama. Pus na lhu
ix'ask'at'an'an cata'alina'. Chai ju ix'ask'at'an'an laich

cata'ana' tolhnin ixlhilacaputs'un ju lacamunutpa'. Chai vachu' alacjunilh ni laich cata'ulh chux ju ach'ananti ju alin ju laich ucan. Pus ju Dios lakts'ilh ni si k'ox chux ju tuchi ixnavita.

Pus ju ixlhilakachaxan avilhchan atok'oxana' ixnavik'ojutach ju lacat'un chai ju t'iyán. Chai ixt'anavik'ojutach chux ju taxtokni ju alin. Chai ju ixlhilakatujunch avilhchan astacnalhch ju Dios. Pus ju acsnich naulich ni tamch cajuna' ju ixlhilakatujun avilhchan ju semana.

Mexico
Tepehua: Huehuetla
SL (Gn 1-2:4)
1998
Blount/Herzog
BL
Mexico, D.F.
[United States]
B212065